



Broj: 01-14 - ~~493-08~~ /17
Sarajevo, ~~16.11. 2017.~~

Na osnovu člana 70. stav (1) i stav (3) Zakona o javnim nabavkama Bosne i Hercegovine ("Službeni glasnik BiH", br. 39/14,) direktor Centra za edukaciju sudija i tužilaca u Federaciji BiH - dalje: Centar, d o n o s i

ODLUKU

O IZBORU NAJPOVOLJNIJEG PONUĐAČA ZA NABAVKU KANCELARIJSKOG MATERIJALA

I

Na osnovu rezultata provedenog postupka konkurentskog zahtjeva za dostavu ponuda za dodjelu ugovora o nabavci kancelarijskog materijala, usvaja se prijedlog Komisije za javne nabavke i dodjeljuje se ugovor najpovoljnijem ponuđaču u predmetnom postupku: „FRANEX TRADE“ d.o.o. Sarajevo .

II

Ugovor sa izabranim dobavljačem zaključit će se na period od jedne (1) godine.

Prije zaključenja ugovora izabrani Ponuđač dužan je u roku od 3 dana od dana dostavljanja obavještenja o dodjeli ugovora dostaviti dokumente kako to propisuje Zakon o javnim nabavkama BiH u članu 45. stav 2.tačka c) i d).

III

Odluka stupa na snagu danom donošenja i objavit će se na internet stranici Centra.

OBRAZLOŽENJE

U skladu sa Planom nabavki za 2017. godinu, na osnovu Odluke broj: 01-14-493-01-1.6/17 od 10.10.2017.godine, Komisija za javne nabavke Centra, imenovana Odlukom broj: 01-14-51-01/17 od 27.01.2017.godine provela je postupak konkurentskog zahtjeva za dostavu ponuda. Obavještenje o javnoj nabavci objavljeno je na portalu javnih nabavki, broj obavještenja: 735-7-1-15-3-6/17 od 24.10.2017.godine i na internet stranici Centra.

Tendersku dokumentaciju preuzela su tri privredna subjekta i to: „PLANPLUS“ d.o.o. Sarajevo, tenderska dokumentacija preuzeta 30.10.2017.godine, „R&S“ d.o.o. Sarajevo, tenderska dokumentacija preuzeta 25.10.2017.godine, i „FRANEX TRADE“ d.o.o. Sarajevo, tenderska dokumentacija preuzeta 24.10.2017.godine.

U roku određenom tenderskom dokumentacijom svoju ponudu dostavili su ponuđači „FRANEX TRADE“ d.o.o. Sarajevo i „R&S“ d.o.o. Sarajevo.

08.11.2017. godine Komisija je izvršila javno otvaranje ponuda i zapisnički konstatovala cijenu ponuda i podatke, kako je to propisano članom 63. stav 4.). ZJN.

R. br.	PONUĐAČ	Cijena na (javnom) otvaranju KM (bez PDV-a)	Popust na cijenu
1.	„R&S“ d.o.o. Sarajevo	7.999,50	0 %
2.	„FRANEX TRADE“ d.o.o. Sarajevo	7.959,10	0%

Zapisnik sa otvaranja dostavljen je ponuđačima u skladu sa članom 63. stav 6. ZJN.

Kriterij za izbor ponude je najniža ponuđena cijena kvalificiranog ponuđača.

U skladu sa članom 63. stav.7 ZJN na zatvorenoj sjednici Komisije izvršena je provjera kvalifikacija kandidata i ocjena ponuda.

Komisija je konstatovala da ponuđač „R&S“ d.o.o. Sarajevo nije dostavio dokaze iz tačke 3.3. Tenderske dokumentacije, tražene u svrhu dokazivanja tehničke i profesionalne sposobnosti, a u skladu sa članom 49. Zakona o javnim nabavkama. Naime, ponuđači su bili obavezni u svrhu dokazivanja tehničke i profesionalne sposobnosti dostaviti uzorke za robe označene u tehničkoj specifikaciji i to sa proizvođačkim deklaracijama iz kojih se može utvrditi da ponuđeni artikal odgovara zahtjevima iz tehničke specifikacije. Kako ponuđač „R&S“ d.o.o. Sarajevo nije dostavio tražene uzorke njegova ponuda je odbačena kao nepotpuna.

Komisija je uvidom u dostavljenu dokumentaciju konstatovala da je ponuđač „FRANEX TRADE“ d.o.o. Sarajevo, ispunio sve uslove iz tačke 2.5. i tačke 3.3., Tenderske dokumentacije i da je dostavio uzorke, pod rednim brojevima 1,14,15,16,21,22,26,31,32,34,51 i 53 sa proizvođačkim deklaracijama, te je utvrđeno da uzorci odgovaraju uslovima iz tehničke specifikacije roba.. Također, ponuđač je dostavio sve relevantne dokaze iz tačke 3.1. i 3.2. Tenderske dokumentacije u svrhu dokazivanja lične sposobnosti i sposobnosti za obavljanje profesionalne djelatnosti, te je ocijenjen kao kvalifikovan ponuđač u predmetnom postupku javne nabavke.

Obzirom da je ponuda ponuđača FRANEX TRADE d.o.o. Sarajevo ocijenjena kao prihvatljiva, na osnovu člana 89. stav 1) Zakona o javnim nabavkama, Komisija je predložila prihvatanje ponude, donošenje odluke o izboru ponude ponuđača FRANEX TRADE d.o.o.Sarajevo i zaključenje ugovora o javnoj nabavci sa predmetnim ponuđačem.

Prije zaključenja ugovora izabrani ponuđač dužan je u roku od 3 dana od dana obavještenja o dodjeli ugovora dostaviti dokumente kako to propisuje Zakon o javnim nabavkama BiH u članu 45. stav 2.tačka c) i d), odnosno dokaze da je ponuđač ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registriran (tačka c). i da je ponuđač ispunio obaveze u vezi s plaćanjem direktnih i indirektnih poreza, u skladu s važećim propisima u Bosni i Hercegovini ili zemlji u kojoj je registriran (tačka d).

Slijedom navedenog, direktor Centra odlučio je kao u dispozitivu.

Pouka o pravnom lijeku

Na ovu Odluku dozvoljena je žalba u skladu sa čl. 97. i 101. stav 5.) Zakona o javnim nabavkama BiH.


DIREKTOR
Arben Murtezić

Dostaviti:

- FRANEX TRADE d.o.o.Sarajevo
- „R&S“ d.o.o. Sarajevo
- Odsjeku za finansijske, pravne i opće poslove
- a/a